

## Universitätsbibliothek Paderborn

**Dictamina Seu Scita Variæ Doctrinæ, Politicæ, Moralis,  
Stoicæ, Christianæ, & Spiritualis**

**Nieremberg, Juan Eusebio**

**Paderbornæ, 1711**

Decas I.

[urn:nbn:de:hbz:466:1-50306](#)



# Dictamina Christiana.

## DECAS I.

**V**Alor est rerum, utilitas ejus usus. Cithara non sonat nisi pulsata, & fax extincta non illuminat. Non omnes nō runt Fide uti, neque multi, uti par est, vivere in illa. Verā quidem Religione gaudent Catholici, sed usu ejus duntaxat boni, vitâ justi. Quid prodest tam grandis possessio, si careas usufructu?

2. Res meritò deploranda! adeò nos incautos vivere, ut minor cura sit luminis Fidei, ac lucernæ. Nè in noctis obscuro deviemus ad cœnum, auxiliari lumine præcavemus; nè quis in densissimis mundi hujus tenebris æternitatis discrimen adeat, aut præceps corruat, nemo est, qui Fidei facem admoveat.

3. Qui non operatur bene, Fidem habet otiosam: qui operatur malè, mortuam. Non quiescamus in hoc, ut cælesti illud donum inhæreat nobis; agamus, ut appareat esse. Dum animæ īest, donum est; dum in opus transit, sanctum. Non sufficit

sufficit esse in intellectu, sit & in manibus.  
Per illum credimus vera, cum his credimus  
verè.

4. Charitas vita est Fidei; indè animatur, & noscitur esse. Non satis est Christiane! ut sis fidelis, opus est esse justum quoque. Quid honoris Deo obvenit à malis? quid boni à mortuis? Justus est, qui ex Fide vivit, vivit verò per charitatem: quemadmodum corpus ex cibo vivit, sed mediante animâ, quæ vivificat corpus.

5. Non solum ut credas, Fides proficit, prodest ut & intelligas, & opereris. Quem veritates æternæ convicerint, non potest non malè sentire de temporalibus. Qui verò utrumque conjungit, ille enim vero opera præstiterit Christiano digna.

6. Auxiliari vitro, quo brevior visus adjuvatur in corpore, eodem mentis aries hebetatur. Oculus animæ Fides est, ocularia passiones: per has quidquid intuitus fueris, colore vitri imbutum credes. Sed acutus est oculus Animæ, si expers passionum sit, pravisque affectibus liber; non eget fallaciâ vitrorum.

7. Qui vel oculis obligatis, vel per obscuros

scuros meatus ducitur, acie licet optimâ  
instructus, negliget tamen perfacile, quid-  
quid ei vel pretiosissimum occurrerit. I-  
dem evenit Fidei lumine imbuto, qui du-  
ctum illius non sequitur.

8. Si res contueremur oculis Fidei, non  
sensum, aut opinionis, minus foret,  
quod nos affligeret, & plus quod felicita-  
ret. Fallimur non luminis defectu, sed  
admixtione.

9. Fidei dogmata non solùm in se ipsis  
certa sunt: sed & in eo, quod pollicentur.  
Qui ad aliud lumen objecta expenderit,  
videbit nihil, & instar cæci oberrabit.

10. Non ineptè dictum fuit à quopiam,  
intentionem veluti sagittam rectâ tende-  
re ad scopum. Quodsi autem sagittarius  
orbus sit oculis, quò se telū feret? quem Fi-  
des nō direxerit, toto sanè cœlo aberrabit.

### DECAS II.

II. Sensus noster similis est trigono: hoc  
reddit objecta quidem, sed inversa, con-  
fusaque colorum serie, tametsi visui non  
ingrata. Vix aliter judicamus de rebus;  
invertimus, & alias reddimus ac sint  
Quod mundus honorificum censet, vile  
est;